

TOLOSA lo 22 de genèr de 2009 – N°2

la letra deu director, p 2.

l'eveniment, p 3.

çò melhor de las publicacions, p 6.

çò que'n pensatz, p 7.

las edicions, p 8.

lo canton de l'IEO nacionau, p 10.

la seccion deu mès, p 12.

l'agenda, p 13.

los contacts, p 15.

Collectiu de l'Abadia deu Mau Govèrn

Carnival aush en gascozna!

22 de heurèr 15 oras
24 de heurèr 19 oras
plaça de la cathedra



arriser e cantas musicas trads e tustadissis.

lo Dimenge 18 de heurèr a sorelh clucat
BAL DAMBE
Tres en Gasalha
Tala de las Eras

Boha qui pòt
ACPPG
Talhèr de cant de
Carnaval
Tres en Gasalha
ge.fr. an

ANIMACION
HUEC-
COMICA

*Dimenge
Gran Passa-carrèra dambe
Carnaval!
Dimarç Jutjament!*



.....Dab l'ajuda de :

INSTITUT D'ESTUDIS OCCITANS, Seccion Regionala Miègjorn-Pirenèus

Ostal d'Occitània

11 carrièra Malcosinat,

31 000 Tolosa

06 82 23 44 55

ieom-pireneus@ieo-oc.org



Ua navèra annada... e un navèth esper

Tà 2009 Que'ns devem gardar l'esper en constatar tot çò que's passa a l'entorn de nosautes.

2009 serà l'annada de dus eveniments:

- **la lei d'aplicacion de la refòrma constituçionau respècte a las « lengas regionalas » votada peu congrès.**
- **la pròtesta de Carcassona... Que cau qu'aqueth eveniment sia ua escajuda tà muishar qu'em enqüera ací e hèr pression sus poders politics.**

Que profiti d'aquera escadença tà'vs desirar ua bona e urosa annada a totas e a tots.

Tà 2009, que deurem continuar los nostes esfòrç tà hèr viver e tà expandir la nosta lenga.

Tà escagèr dens la perseguida d'aqueste prètzhèit ne podem pas dobtar. Que'ns devem gardar l'esper en constatar tot çò que's passa a l'entorn de nosautes.

En prumèr, que'ns cau regaudir en espiar lo contèxte socio-politic d'aquera annada 2009. Dus eveniments deus màgers son d'arribar aquera annada.

2009 serà l'annada de la lei d'aplicacion de la refòrma constituçionau respècte a las « lengas regionalas » votada peu congrès. Plan segur, ne sabem pas çò que balharà aquera lei. Totun, en declarar dens la constituçion que las lengas regionaus hèn partida deu « patrimonni de la nacion », lo legislator que deu aver consiència qu'ei un engatgament que deu aver d'efèits sus l'ensenhament, la difusion, e la visibilitat de l'occitan.

2009 serà tanben l'annada de la pròtesta de Carcassona. Aquiu tanben, i a un enjòc màger tà la nosta lenga. Que cau qu'aqueth eveniment sia ua escajuda. Aqueste 24 d'octobre qu'avem d'estar hòrt numerós a Carcassona, que cau que las carrèras de Carcassona sian hartas de monde, tà muishar qu'em enqüera ací e hèr pression sus poders politics.

Respècte au contèxte sociò-politic, qu'avem de hèr que 2009, au nivèu regionau, sia l'annada : deu començament de l'aplicacion

de « l'Esquèma Regionau » en Mieidia-Pireneus, de l'aviada vertadera deus budgèts destinats a l'occitan e de la mesa en òbra deu conselh de desenvolupament de la lenga. Aquò serà plan segur, un enjòc deus bèths tà nosautes.

Alavetz, qu'ei per'mor d'aquò que la coordinacion occitana regionala s'activarà tà demandar ua entrevista au President Malvy. Au nivèu deu hialat de las associacions IEO en Mieidia-Pirenèus, 2009 que deu estar ua annada de las importantas tanben.

En efèit, qu'avem escajut de per-pausar ua navera convencion a la region. Ua convencion d'objectius, qu'ei a díser dab ua ajuda en foncion de las activitats realizadas. Atau, aquera convencion, s'ei acceptada per la region, poderé constituir un vertadièr utís de desenvolupament, plan dens l'esperit de l' « esquèma regionau ».

En 2009, lo malhum deverà tanben continuar la sua estructuracion, gràcias a la perenizacion deus emplecs notadament.

Tà acabar, en 2009, ensajaram, dab la vòsta ajuda d'aver un « Diari » de melhora qualitat, dab mei d'articles, ua melhora qualitat de lenga e mei d'interès dens lo quite contienut.

Plan segur tà aquò, que demo-ram a la vòsta disposicion e qu'escotaram totas las vostas arrechamentacions e tots los vòstes conselhs.

L' EVENIMENT.

Uèi, totjorn jos l'impulsion del Centre Occitan del País Castrés, la Dictada Occitana tòca Occitània tota. Mai de quaranta vilas en França son oficialament inscrites aital coma la Catalana Barcelona...

La Dictada Occitana Privilègia lo plaser d'escriure puslèu que la confrontacion del candidat a de dificultats ortograficas.

La Dictada Es fòrça presada pels centres escolars : calandretas, escòlas bilingüas, collègis, licèus e estudiants nombroses.

La dictada occitana.

Plan segur, coma de costuma l'eveniment de la dintrada es encara la dictada. En seguida, anam far una presentacion de la dictada en general e de la de Castras en particular. Puèi veirem, gràcias a la collaboracion del Cercle del País Castrés cossí organizar una dictada.

Aquela manifestacion foguèt creada en 1998 pel Centre Occitan del País Castrés, cercle local de l'Institut d'Estudis Occitans. L'an seguent doas vilas i participavan : Castras e... Barcelona. Lèu lèu, pauc a pauc, d'autres vilas s'i venguèron apondre. Entre Vilanòva d'Òlt, Barcelona e Castras, aquela dictada se poguèt far en videoconferéncia. Uèi, totjorn jos l'impulsion del Centre Occitan del País Castrés, la Dictada Occitana tòca Occitània tota. Mai de quaranta vilas en França son oficialament inscrites aital coma la Catalana Barcelona que totjorn nos es fisèla quitament s'apertenen pas al domeni occitan, contribuís a far d'aquela dictada una manifestacion europèa. L'objectiu d'aquela dictada es de promòure lo patrimòni lingüistic de lenga d'òc. La dictada permet de metre en valor la riquesa de la literatura occitana, de descobrir la quita lenga d'òc, d'ensenhar qu'aquela lenga es totjorn un supòrt de creacion. Privilègia lo plaser d'escriure puslèu que la confrontacion del candidat a de

dificultats ortograficas. Per la sia gratuïtat contunha d'èsser populara e dubèrta a totes, joves e adults. Es fòrça presada pels centres escolars : calandretas, escòlas bilingüas, collègis, licèus e estudiants nombroses. Es ajudada per las collectivitats localas e territorialas : la Municipalitat de Castras, lo Conselh General de Tarn, lo Conselh Regional de Miègjorn-Pirenèus, per d'associacions talas coma Òc-Bi, la seccion departamentala de Tarn de l'Institut d'Estudis Occitans de la quala fa partida lo Centre Occitan del País Castrés. Recebèm lo supòrt de jorns tals coma *La Setmana* e la *Dépêche du Midi*. Qualques meses abans la dictada, un comitat de lectura s'acampa e determina la causida de l'autor... Per exemple en 2005, la causida se portèt sus un tèxt de Jean Escaffit, farmacian originari de Castras, tèxt tirat de son recuèlh de novèlas "Balajun" que recebèt lo prèmi Jaufre Rudèl en 2003. La Dictada es animada per Robert Marti mai conegut jos son nom de scèna, Padena. Presenta l'autor que dicta el meteís lo tèxt. Mentre la correccion es efectuada per tota una còla de correctors, una animacion es prepausada al public per los permetre de descobrir l'actualitat de la creacion occitana. Un espaci tanben es previst per que lo public pòsca anar al rescontre de l'autor. Aprèp la cor-

reccion e l'espectacle, se debana la cerimonia de l'autrejamet de prèmis a la quala participa l'autor, l'animator e la Presidenta del Centre Occitan del País Castrés.

Tres prèmis son atribuïts a caduna de las quatre categorias que correspondon a una etapa escolara (escòla primària, collègi, licèu) a las qualas cal apondre la categoria

adult. La manifestacion s'acaba amb lo veire de l'amistat.

De seguir, la tièra de las vilas de las vilas ont s'organiza una dictada occitana

N° Dép	Noms des vilas	Nom de l'association	Contact
Valéncia	Alcúdia		lluisfornes@hotmail.com can-taire@occitan.tk
84	Aurenja	Association BENLEU	bag.vaton@orange.fr
32	Aush	IEO 32 Navèras d'Ací	naveras.d-aci@wanadoo.fr
Catalonha	Barcelona	CAOC	caoc@caoc.cat
34	Besièrs	CIRDOC	mission@cirdoc.fr
33	Pessac	L'ESTACA	estaca@free.fr
06	Canas	L'ESCOMESSA	gfettuciari@wanadoo.fr
83	Carnolas	Provença Tèrra d'Òc – IEO 83	ieo83@ieo-oc.org
81	Castras	Centre Occitan del País Castrés	azalais@wanadoo.fr
46	Cáurs	Cercle Occitan de Begós-Cáurs	mtregou46@orange.fr
11	Caus-e-Sausens	IEO Aude	ostal.sirventes@wanadoo.fr
16	Charreç	Terra d'Òc	terrdoc@terrdoc.net
46	Concòts	IEO ÒLT	rlasaca@aceoc.org
12	Espalion	Cercle Occitan d'Espaliu	gerard.ferrand4@wanadoo.fr
5	Gap		faureandre74@neuf.fr
09	Pàmias	Cercle IEO-Pàmias e Calandreta del país de Pàmias	ieo09@club-internet.fr
46	Laverantièra	Los Barjacaires	becejloc@wanadoo.fr
63	Lende-Clarmont	IEO 63 Pais Domés	paisdomes.ieo@wanadoo.fr
87	Limòtges	Librariá Occitana Limòtges	libraria.occitana@free.fr
46	Limonha	ICOC	catherine.marlas@orange.fr
81	Lo Sequèstre	Centre Culturel Occitan de l'Albigés	logrifol@wanadoo.fr
34	Lo Motàs	La Belugueta deu Motàs	paul.gineste@wanadoo.fr
12	Milhau	Association Recaliu	05.65.60.46.40
82	Montalban	IEO 82 – Associacion Antonin Perbòsc	ieo82@orange.fr
46	Mont Cuq	IEO ÒLT	rlasaca@aceoc.org
11	Narbona	Cercle Occitan de Narbona	lucie.maffre@wanadoo.fr
06	Niça	Centre Culturau Occitan País Nissart e IEO 06- Cercle local Lo Gramon	info@nissa.org & ieo_06@caramail.com
30	Nimes	IEO 30	ieo30@orange.fr
15	Orlhac	Ostal del Libre	ostal.del.libre@cegetel.net
64	Ortès	Per Noste	pernoste@wanadoo.fr

46	Praissac	IEO ÒLT	rlasaca@aceoc.org
07	Pranles	IEO Seccion Rose-Aups	ieo26@ieo-oc.org
33	Prenhac	Cercle Occitan deu Sud Gironda	eric.astie@laposte.net
43	Lo-Puèi-de-Velai	Calandreta Velava	mariaclara.dubois@wanadoo.fr
15	Sant Flor	Ostal del Libre	ostal.del.libre@cegetel.net
19	Seilhac	COLLEGE ARNAUT DE TINTINHAC	foujanet@hotmail.com
31	Sent-Lis	Associacion País de Catinou e Jacouti	n.reibethveder@free.fr
13	Setème-de-Provença	CREO Provença	creo.provence.ieo@free.fr
40	Soston	Association Clin d'oeil et Gascon Lanas	fabienne.pineau@gmail.com
65	Tarba	Maison de la Cultura Occitana	mco65@orange.fr
Val Aran	Vièlha	Conselh Generau Val Aran	m.verges@aran.org
47	Vilanòva d'Òlt	Escòla Occitana d'Estiu	eo@wanadoo.fr

COSSÍ ORGANIZAR LA DICTADA OCCITANA ?

1- Qualques meses abans la dictada

Aprestar lo budgèt previsual
Causida e locacion de la sala amb parcatge

Causida de l'autor e del tèxt de la dictada

Aprestar las demandas de subvencion

Recèrca dels partenaris

Causida de las categorias dels participants (escolans, collegials, liceans, adultes) e dels prèmis per categorias

Realizacion de l'aficha, programa e diplòma.

Contactar las escòlas, collègis, licèus bilingües e los professors d'occitan: mandar una aficha, 2 o 3 programas, letra de presentacion de la dictada e una grasilha d'inscripcion.

Contactar los correctors (letra amb un bulletin de tornar)

Contactar un animator occitan per presentar la dictada

Contactar la premsa (radiò, jornals, TV) e aprestar d'articles en occitan e en francés.

Preparar las còpias: traçar un marge de mai, metre lo numerò d'inscripcion e la categoria

Prevéser un vin d'onor

Prevéser una animacion pendent la correccion

2- Lo mes de la dictada

Tièra dels correctors que participaràn, aprestar lor chèc d'indemnitat e los recebuts

Enregistrament de las inscripcions

Ajustar suls diplòmas lo pichon nom e lo nom de cada inscrich a la dictada

Difusion de las afichas e dels programas

Mandar un programa a cada inscrich a la dictada amb lor numerò d'inscripcion

Preparar lo vin d'onor, los prèmis

Assegurança: declarar lo nombre dels participants a la dictada

Convidar los elegits (conses, adjunts a la Cultura e las Animacions...) per participar a la dictada

Prevéser de còpias e diplòmas suplementaris

Prevéser un numerò de telefòn pel recampament de las resultas al Centre Occitan del País Castrés pr'amor de far un article de premsa recapitulatiu

3- Lo jorn de la dictada

Metre las còpias sus las taulas o cadieras

Prevéser de personas per aculhir los participants a la dintrada. Per

un melhor acuèlh, prévéser la tièra dels participants per òrdre alfabetic e una autre per numerò

Prevéser de personas per aculhir los participants a la dintrada que son pas inscriches (véser lo nombre de plaças disponiblas)

Acuèlh dels elegits, correctors e la premsa

Far signar los recebuts e balhar los chècs als correctors

Ajudar las personas per trobar lor plaça

Téner un taulièr de libres

Recampament de las resultas per las balhar als participants.

4- Aprèp la dictada

Aprestar d'articles de premsa en occitan e en francés

Aprestar un rapòrt d'activitats sus la dictada, còpias d'articles de premsa e los mandar al Centre Occitan del País Castrés

**Per mai d'entre-senhas, contactatz : lo Centre Occitan del País Castrés, Cercle local de l'I.E.O. Tarn, « Ostal Azalais », 6 carrièra del Consolat, 81100 CASTRAS
Tel e Fax : 05-63-72-40-61**

Istòria del temps passat d'Alan Vidal

Pendent sègles e sègles, le solelh marquèc l'ora, entà 1911 se m'engani pas. Plan d'annadas que seguiguèron le cambiament, ora vièlha e ora novèla vesinèron. Fusquèc un vertadièr treboladís del qual naissián plan de colhonadas per que a miègjorn de l'ora vièlha èran tretze oras amb l'ora novèla. Urosament que se barrejan pas en mèra ora d'ivèrn e ora d'estiu !

"Quina ora pòt èsser ?". Èra abans una question sovendièra tant èra malaisit de conéguer l'ora justa.

Qualques vièlhs escarses¹ afustavan una mòstra a pochèt sonque amb la tenguda del dimenge, de paur d'esquizar aquela mecanica tan presada. En çò dels mèra fortunats, o que se'n cresián, una pendula nautassa trona-va plan en vista mèra s'èra arrestada o precisa coma una promessa de plombièr. Si que non i aviá tot just dins cada ostal un revelh mèra o mens fisador. Pepin vièlh tanlèu despertat remontava le sieu e demorava per n'adobar l'ora que toquèssen les "quatre tòps" al pòste². A còpses chapotava le coet de reglatge per le faire avançar o recular çò qu'enervava pro menina : "arrèsta de traficar aquel revelh que le destracas encara mèra" ; a que respondiá : "calha-te vai, que sabes pas çò que dises!".

A punteta del jorn, quand le solelh grafinha la nuèit, dins tot le canton, d'una galinièra a l'autra, ivèrn coma estiu, les polhs cantavan al que mèra se desgargantariá coma deputats al parlament. Baste que la galinièra

fusquèsse còsta la cramba, te des-pertavas maitinièr e sens relòtge.

Se le vent se'n virava se podiá ausir, dins le calme del campèstre la còrna alonhada de l'usina de Pàmias, testimoni dels mèra fisadisses per aver l'ora. Quant le vent virava a l'autan, s'ausissiá le tren al luènh, demorava a sapier le quin èra per devinar l'ora ; urosament n'èran pas que quatre per jorn !

Se caliá malfisar del factor que passava cada maitin en bicicleta per que èra pas dels mèra puntièrs segon sa charrèra, sa bevèra, sa pedalèra... e sustot le nombre de mandats que pagava en pèças e bilhets tot en engulint un veire de vin ofèrt per la paga. Les buòus desbrumbavan pas l'ora, lasses de tirar l'arnés, instinctivament sabián que s'acabava la junta e alavetz tanlèu arribats al cap de la rega se viravan cap a l'ostal e le boièr podiá pas que siègue en repotegant.

Le pastre Taisson, de paur de se faire repotegar pels mèra teniá d'embarrar³ tròp lèu. Un jorn sa vesina Esquiça-benitièr gardava a costat : "**brava** vesina quina ora deu èsser ?". Alavetz aquela femna dreicèc son bròc de nesplièr en le mantenent amb son guinaire⁴ e ne tausèc l'ombra : "devèm èsser de cap las onzas oras". Taisson rasseurat se malfisèc pas que la vesina èra encara a l'ora vièlha e la mèra le devèc quèrre al camp : "i vòles passar ta vida? Vai te'n de sièc que la sopa s'afreda".

Sacavin de paur d'aver la sequèra⁵ e de mancar l'ora de dinnar carrejava totjorn una biauça⁶ amb una justa de vin e un vièlh revelh. Un jorn, tornant trica-traca de la vinha amb una carretada d'eisserments, la biauça alisèc e la ròda esclafèc le revelh en un pescalhon. Èra a l'encòp furiós d'aver desbrumbat de penjar la biauça a l'escaleta, rasseurat per que la justa èra intacta e soscadís d'ausir ja sa femna : "paure fantasiós pòdes pas fèr coma tot le monde, te cal un relòtge res que per tu, ara que l'as espotit te'n passaràs"

Malgrat aquò la vida èra plan coordenada. Vacancièrs policièrs a París (degun pòt pas èsser perfèit !) purs produchs de l'esòde rural ariegés, una brava mesada abans escrivian una letra per dire qu'arribarián per l'autobús tal jorn, a tala ora, a tala guerita. Sens cap outra formalitat, le jorn dit, al lòc dit e a l'ora dita les vacancièrs e la jardinièra⁷ que les esperava èran plan aquí amassa. Atal rajava la vida, le monde prenián d'avança per pas èsser en retard e sustot capviravan pas d'idèa coma un almanac de fulhet ; degun n'èra acuverat a gaitar la mòstra per viure a la segonda prèp. A sapier s'èra pr'aquò qu'a l'epòca se parlava brica brica de "l'estress"?

Los Mossalons de la devalada

- **Socarèl** : totas menas de mossalons que butan sus las socas dels aures. Son considerats pas bon, a part los de pibols, de salesses (saule) o de belissas (saules marsaux), pleurote.
- **Cresta de gal** : clavaire de color jaune-irantjat.
- **Trufa / truffet negre / rabassa** : trufa de las eusedas dels causses.
- **Cocorla / cocomèla / coaina / coèine / trauca-tèrra** : lépiota bela.
- **Camba roja / coeta roja / pè roge** : bolet de pè roge, bolet de satan, non comestible.
- **Cap roge / tremol roge** : bolet roge dels beces e dels trembles.
- **Cap violet / cep de vitriol** : cèp blavenc, comestible.

Qualques provèrbis suls botarèls e mossalons :

« Annada de mossalons, pas de vin al barricon ».
« Quora se plòu a la fin de mai, los caramils, los botarèls ponchan lo nas deval lo cèl ».

CÒ QUE'N PENSATZ.

Eric Fraj, sustot conegut coma autor-compositor-interpret, qu'è tanbens un escrivan. Qu'a redigit la prumèra maitat del libre, en francés, dins un vocabulari al còp clar e recercat, plen de sentiments fòrtis. Que'm som sustot ocupada de la lectura de la segonda partida, tradusida en occitan per Renat Solà. Quaranta cinc paginas d'una istòria, vertadièra çò sembla, arri-

« Annada de botarèls, annada de castanhas ».

« Plueja e luna creissenta bailan cepets als jorns següents ».

« Auratges e tròns après secada ornan lo bòsc de mossalons ».

« Quand sòrtan los mossalons, aquò's pas bon pels vinhairons ».

« Es mai que temps de sulfatar quora lo cep mòstra lo nas ».

« Se la Sant Joan trempa lo ròc, lo caramil buta jol bòsc ».

« A Nòstra Dama del mes d'agost, l'aigàci far mosir lo bòsc ».

« Quora se plòu la fin d'agost, los botarèls, los mossalons, ponchan lor cap vals endrèches bons ».

« L'autan del auton ròmplís la brosa de mossalons ». « Fums e rosada del matin acaptan prats de cocorlets ».

« Per la Sant Jòrdi, los mossalons, coma l'òrdi, mòstran lor botelh ».

Zefir Bòsc

Croniqueta del « Bonus-Malus »

Tot lo monde sap çò qu'es lo *bonus-malus* en assegurança automobila, que dins lo fons es una bona causa en çò que los qu'an d'accidents pagan mès que los que n'an pas. Mon prepaus es de vos entretèner de çò que se passa amb lo *bonus-malus* dins lo mitan del rugbí.

An creat lo *bonus* per favorizar l'atac estant qu'una equipa que marca mai de quatre ensages marca un punt de mai que los tres del ganh de la partida, al classament. L'equipa que pèrd amb mens de sèt punts marca, ela, un punt de *bonus* defensiu. Aquò sembla una bona causa per melhorar lo jòc.

Mas es l'interpretacion que n'es feita dins los comentaris dels jornalistas o las entrevistas dels jogaires, que me tafura.

Es aital qu'una equipa que ganha, mas que marca pas quatre ensages, s'ausís dire « òc, avètz ganhat, mas avètz pas marcat lo *bonus* ». E la que pèrd amb mens de sèt punts s'ausís, ela, dire :

« avètz perdut, mas avètz ganhat lo *bonus* defensiu ».

Es aital qu'òm pòt far d'una victòria una mièja desfaita e d'una desfaita una mièja victòria.

Son bonis aquelis del rugbí !

Liens-Ligams, Eric Fraj

bada a l'autor quand èra regent. Aquò que's passa als Escarts, lòc-dit del país de Carbona, dins l'annada 1976. Eric Fraj qu'i va fèr un remplaçament, en plen ivèrn, dins una escòla a duas classas. La sèva que va dels cagaires de la pichona seccion entà la prumèra annada dels mejancièrs. E aquí que fèm la coneishença de Corina, una drolleta plaçada d'amb les pichons,

mes plan granda qu'elis. Que vos dèishi descobrir la personalitat d'aquela filhòta, diferenta dels autris, que pertocarà le còr del regent. Aquel libre, escrit pro gròs, que's leg plan fèt lèu fèt, mes que mos dèisha soscadisses.

Claudina Ribèra-Solhà

LAS EDICIONS DE L'I.E.O.



Lexics Tematics Françés/Occitan

Per afinar son vocabulari !
Linguistas e especialistas an obrat
per vos prepausar 400 mots a
l'entorn de tres tèmas.
Libreton de 24 paginas;son format

pichon se pòt emportar pertot e
aurà d'alhors son utilitat dins mai
d'un endrech !
Passar comanda:
Institut d'Estudis Occitans Nacional,

11 carrièra Malcosinat - 31000 Tolosa
Prètz: 2€ l'exemplar

Frais de pòrt: 1ex :1€, 3 ex : 2€,
franco a partir de 6ex



ANEM OCCITANS!

Una revista sus l'actualitat occi-
tana, en occitan

Cada trimèstre, lo punt sus
l'actualitat culturala occitana

per l'Institut d'Estudis Occitans.

Los articles, las actualitats etc. a
far paréisser dins lo n°128 son
de mandar abans lo 2 de març a

l'adreça cchapduelh@ieo-oc.org. La tematica generala
d'aquel numero serà los medias.

Eth Tistalh

Eth tistalh deveng ara l'emplèma d'un certan art de viver regionau no demora au dia de uei sonque quauques banastèrs capables deu dar còrs. Que son los loés testimònis, qu'an arrecuelhuts Beatritz Morisson e Rafaèla Garreta

**Comandar a Nosauts de Bigòrra :
Padouen – 65350 BOLH-PERULH,
18 euros**

Editat dens la collection "racines de pin" deras edicions deth "Pin à crochet"

Obratge bilingüa, texte occitan de Pèir Lobèra dens ua escritura plan suenhada en gascon bigordan montanhòu.

Traduccion deth catalòga deth Pin a crochet :

"A través deras suas formas, deras suas corbas e colors, los vencilhhs qui lo trescan e teishen, eth tistalh d'averaèr, nos conta mantuas istorietas dera vita enas Pireneas. Dens eths sués enterlaç de boès se mesclan racontes individuaus e detalhs tecnicos. Companhon quotidian deth païsan e auxiliari de la casalèra, que deveng ara l'emplèma d'un

certan art de viver regionau, ça'mpar no demora au dia de uei sonque quauques banastèrs capables deu dar còrs. Que son los loés testimònis, los loés sabers e los loés gèstes qu'an arrecuelhuts Beatritz Morisson e Rafaèla Garreta etnologas ath Conservatòri botanic nacionau deras Pireneas e de Meidia-Pireneas. Afin que lo shuc de las loas paraulas sian restituidas au melhor, l'obratge balha ua lectura bilingüa on francés e occitan se hen arrebom entà ua mei grana riquesa de senz. Eras fotografias de Didier Sorbé, enfin, qu'esclairan dab engenh aqeste art dera tistalheria."

L'Almanac patoues de l'Arièja, un almanac en occitan de 1891 a 1936

A la fin del trimestre lo cercle de foish va editar un obratge suls « Almanacs Patoues » de la perioda 1891-1936.

Aprèp lo decès de Cristian Duthil, lo Cercle de Foish decidiguèt d'editar son obratge « *L'Almanac patoues de l'Arièja, un almanac en occitan de 1891 a 1936* ».

Serà disponible a la fin del 1èr trimèstre de 2009 al prètz de 18€.

Lo podètz tre ara reservar al Cercle Occitan Pèire Lagarda – Fogal L. Lagrange a Foish o per corrièl a clo.or@laposte.net

L'Almanac de la Gasconha 2009

Armanac de la Gasconha
200Edicion en Quadricromia,


4 paginas de cobèrta, 32 pginas
d'interior,

Articles d'actualitat, textes deus
premis e concorcis de 2008 dens
Gèrs (Prima deus Contaires, escota
e Minja, Premi deu Gascon deus

collegis e Licèus) e de talhèrs de
lenga per adultes.

Devinalhas, fablòtas, arreproèrs,
calendari, carta deu Gèrs en occi-
tan, hèstas, agenda culturau

Pretz 2,95€, editor IEO32, contacte
05 62 61 88 08



LO CANTON DE L'I.E.O. NACIONAL.



Utilizator e contributor a las Paginas occitanas

Mai de 1500 contacts son repertoriats dins lo site internet de las paginas occitanas. S'aquò sembla fòrça dins l'absolut, es pas gaire, vist qu'aquel annuari, coma tot bon annuari tend a èstre exhaustiu. Plan d'associacions que an una activitat de cap a l'occitan o en occitan, los

autors, d'unes artistas etc. son pas encara repertoriats.

Seccions e Cercles de l'Institut d'Estudis occitans, sèt en relacion sul terren amb de monde que n'auriam pas encara las coordenadas. Podètz doncas contribuir a las paginas occitanas en nos fasant passar aquelas entresenhas (nom de l'associacion o estructura, nom de la persona contact, corrièl, adreça postala, numeros de telefònes e fax se i a).

webmaster@paginas-occitanas.com.

Mèfi pr'aquò que las paginas occitanas an pas per vocacion a èstre l'equivalent de las paginas blanchas.

Tanben, un nom d'individú deu èstre associat a una estructura o a una activitat artistica.

Per las questions d'òrdre tecnic e practic, esitetz pas a contactar :

webmaster@paginas-occitanas.com – 05 34 44 97 11

Un pichon rapèl practic

L'Amassada de Generala de l'IEO al mes de mai 2008 votèt lo cambiament de montan dels escotissions.

A partir del mes de genièr de 2009, la cotisacion individuala serà doncas de **30€** en plaça de 24,50€.

L'adesion d'un cople passa a **38€** e la d'un estudiant o caumaire serà de **12€**.

L'abonament a la revista *Anem occitans!*, el, càmbia pas.

Per çò qu'es de la reparticion del montan de la cotisacion entre cercles e seccions, mercés de vos reportar al n°125 d'*Anem occitans!*

Primièra dimenjada de formacion de formators a l'entorn del labèl PARLESC

L'associacion del CFPO, de EOE e de l'IEO desemboquèt sus la creacion del labèl PARLESC, un labèl garantissent la qualitat dels corses d'occitan.

Aquò ven important d'associar los formators a la mesa en plaça de PARLESC, per escambiar sus sas practicas, desvolopar de ligams amb d'autres corses, puèi descobrir lo futur contengut d'aquel labèl e ne veire sas possibilitats d'aplicacion.

Aprèp aver realizat doas enquèstas per far un estat dels luòcs e analitzar lo foncionament dels corses per adultes, aquela associacion desemboquèt sus la creacion del labèl PARLESC, un labèl garantissent la qualitat dels corses d'occitan.

A l'ora de las primièras experimen-tacions d'aquel labèl, aquò ven important d'associar los formators a la mesa en plaça de PARLESC, per escambiar sus sas practicas, desvolopar de ligams amb d'autres corses, puèi descobrir lo futur con-

tengut d'aquel labèl e ne veire sas possibilitats d'aplicacion.

Formators benevòls, salariats, regulars o ponctuals, de corses o d'estagis son doncas totes convidats a la **primièra dimenjada de formacion de formators a l'entorn del labèl PARLESC Los 7 e 8 de febrèr 2009, A Ostal d'Occitània, 11 carrièra Malcosinat, 31000 Tolosa**

Dissabte 7 de febrèr :

■ 9h30 : acuelh dels participants

■ 10h – 12h30 : torn de taula e escambis de practicas. Presentacion de la grasilha generala del Cadre Europèu Comun de Referéncias per las Lengas (CECRL) : Ont situatz los vòstres apreneires ? Ont vos situatz pedagogicament ?

Intervenent : Cristian Andriu, formator a l'IUFM, al CFPO Miègjorn-Pirenèus e professor certificat d'occitan.

■ 12h30 : repais al restaurant universitari de l'Arsenal (pres en carga per l'organizacion)

■ 14 h – 18 h : Trabalh mai en prigondor sul CECRL. Son utilitat ? Coma inscriure sas activitats dins las amiras de progression e d'avaloracion del CECRL, en particular amb un grop d'adult ? Dralhas per d'autres activitats.

Intervenent : Cristian Andriu

Serada : possibilitat de manjar totes amassa a condicion de se marcar (repais a la carga de cadun)

Albergament : Pres en carga per l'organizacion. Dormitòris collectius.

Dimenge 8 de febrèr :

■ 9h – 10h45 :

- PARLESC : quines objectius ? (intervenents : Magalí Blenet, Cristòl Lebègue, CFP Occitans)

- Presentacion del quasèrn de las cargas (intervenents : Jan Moreu, Esteve Ros, IEO)

■ 10h45 – 11h : pausa

■ 11h – 12 h : Discutida a l'entorn dels diferents punts del quasèrn de las cargas : concretament de qué vòl dire, exemple d'experimentacion a l'Escòla Occitana d'Estiu. Intervenent : Emmanuel Isopet (EOE)

■ 12h – 13h : Bilanç de fin de formacion

■ 13h : Manja-dreit (ofèrt per l'organizacion)



BULLETIN D'INSCRIPCION (de tornar abans lo 26 de genièr de 2009)

Vendrai a la primièra dimenjada de formacion al labèl PARLESC los 7 e 8 de febrèr 2009

NOM : PICHON NOM :

Associacion o estructura :

Adreça :

Tel : Corrièl :

Reservi plaça(s) pel sopar del dissabte 7 de febrèr e mandí un chèc correspondent a 15€ per repais.

Çò pres en carga per l'organizacion : dinnar del dissabte, albergament, desjunar, dinnar del dimenge, formacion

A la carga de cadun : desplaçament, sopar del dissabte.

A lo Signatura :

L'I.E.O. 82

Contact IEO 82 :

l'Ostalet, 13 carrièra de l'Ancian Collègi, 82000 Montalban

Tel :05.63.03.48.70

ieo82@ieo-oc.org

A l'Ostalet, un centre de ressorças e ua botica (vestits, gadgets) e nombroses libres e CD.

Las activitatas de l'IEO 82 :

corses de lenga

corses d'acordeon diatonic

talhièrs de musica pels mainatges

animacions dins los ostals de retirada e los centres de léser, organizacion de passa-carrièras, mòstras,

animacions dins los licèus e los collègis,

d'animacions musicalas

cada an l'organizacion del festenal « Vendémias d'Òc »

l'Estrambòrd (bulletin associatiu)

una emission de ràdio

d'edicions....

Dins aqueste diari, anam evocar la seccion de Tarn e Garona. Aquesta seccion se sona "Associacion Antonin Perbòsc", nasquèt en 1971 a Montalban e acuelhis ara un pauc mai de cent sòcis. Aquesta associacion es ara pro plan estructurada : a un local administratiu (« Ecole Marcel Pagnol » de Montalban), un local comercial (l'Ostalet, 13 carrièra de l'Ancian Collègi, 82000 Montalban) e una salariada (Martine Serres, Animatrix de l'IEO 82).

De segur, l'IEO 82 assegura un trabalh « classic » de seccion IEO, e prepausa per exemple : de corses de lenga (amb dos nivèls e amb lo professor P. Burgan), corses de cant amb M. Serres e un centre de ressorças (de nombroses libres amb tota la colleccion *Al canton*, de nombroses CD, e parucions coma *La Setmana* o *Infòc*).

Totun, cal dire qu'aquesta seccion met a la disposicion del public activitats mai originalas talas coma : corses d'acordeon diatonic (amb M. Isopet), talhièrs de musica pels mainatges (comptinas, jòcs, cançons... Per presentar la cultura e la lenga occitanas), animacions dins los ostals de retirada e los centres de léser, organizacion de passa-carrièras, mòstras, animacions dins los licèus e los collègis, d'animacions musicalas, de fèstas de vi-

latges e cada an l'organizacion del festenal « Vendémias d'Òc ». L'associacion prepausa tanben una brocadura bilingua per informar sus los toponims del departament, amb l'objectiu d'avançar en matèria de senhaletica en occitan.

L'IEO 82 comunica : que siá amb los sieus sòcis mercé a l'*Estrambòrd* (bulletin de ligason associatiu per tractar las notícias de la vida culturala occitana de Tarn e Garona), o que siá amb l'exterior (emission de ràdio : « Aquí va plan » jos-ràdio association (lo divendres de mieidia a una ora sus www.radioassociation.net).

L'Ostalet, prepausa fòrça vestits (de camisetas Macarel, Qu'es Aquò e la camiseta Adishatz de l'IEO ...) e gadgets (pega-solets, pin's, nombroses libres (sustot las noveutats) e CD.

L'IEO 82 encoratja enfin l'escritura e la creacion en occitan, atal l'IEO sòrt d'edicions. Per exemple, demòra libres de « Lo Catèt de Macaturras e autras òbras de Frederic Cairon ».

Dins pauc de temps sortirà una novèla edicion del diccionari toponimic de Tarn e Garona.

L'AGENDA.

Del 10 de genièr dinc au cap de febrèr: Albi, au grifol, 3 carrièra Perroty, mòstra de Miquèla e Joan-Loís Guivarc'h "Agaches Cruzats".

Lo 31 de genièr, Castras, Dictada Occitana, a l'Ostal dels Joves e de la Cultura de Lameilhé de (104 carrièra Goya); tre 14h00.

14h00: Acuelh dels participants e de las personalitats.

15h15: Animacion per Robèrt Martí.

Dictada per l'autor ela-meteissa Anna Regord.

16h00: Animacion musicala.

Correccion de las còpias per la jurada

17h30: Anóncia de las resultas e remesa dels prèmis.

18h00: Vèire de l'amistat.

Contacte e entre-senhas: Centre Occitan del País Castrés, « Ostal Azalais », 6 rue du Consulat 05.63.72.40.61 o azalais@wanadoo.fr

Lo grop de l'IEO32, « Tres en Galsalha » que vos convida aus sons bals mesadèrs :

Lo dissabte 31 de genèr, Aush, 21o, sala deus Cordelèrs,

Lo grop de l'IEO32, « Tres en Galsalha » que vos convida aus sons bals mesadèrs.

Contact : Georges NOSELLA, 5 rue Lamartine 32000 Auch, Tel : 05-62-61-88-08/Mail : naveras.d-aci@wanadoo.fr

Lo diluns 2 de febrèr, Albi, Serada Al Cafè: "Repais Tripós", organizada pel grifol, contactar au: tel:05.63.46.21.43

Lo dimars 3 de fevrièr, Caramauç, « Maison de la citoyenneté ». Conferença « Proverbes et dictons ».

Lo 5 fevrièr,a l'Ostal del Patrimoni, plaça Foch a Rodés 8 òras 30 del ser, "A la descobèrta d'una òbra". Florian VERNET: J@rdindelasdelicias.com, publicat en 2007 per IDECO (colleccion ATOTS). Dobert a tots e agratis.

Lo dimenge en 8 febrèr, a comptar de 14 h 00 dins la Sala Polivalenta "La Dolina" a Sébazac. L'IEO 12 establís en collaboracion amb Varietats Localas 12 un spectacle de "Catinou e Jacouti" « peta bou-lègue a Mingecèbes »,

Del diluns 16 dinc al divendres 20 de fevrièr, a Foix (fogal Leo Lagrange), 6ena Escòla Occitana d'Ivèrn.

Organizat per l'Escòla Occitana d'Estiu en partenariat amb lo

Cercle Occitan Pèire Lagarda-IEO (Foish). Fin de las inscripcion : 9 de febrèr de 2009. Tarifas : 225 € la setmana (liceans, estudiants, caumaires), 250€ la setmana (adults), Entre-senhas e reservacions : Escòla Occitana d'Estiu – 16 car. dels Pujòls, 47300 Vilanòva d'Òlt, Tel : 05.53.41.32.43. Mèl : oe@wanadoo.fr Siti : www.oeo-oc.org.

(La descripcion de las activitats es a de seguir)

Diluns 16	Dimars 17	Dimècres 18	Dijòus 19	Divendres 20
	<u>8h45-11h15</u> : corses de lenga	<u>8h45-11h15</u> : corses de lenga	<u>8h45-11h15</u> : corses de lenga	<u>8h45-11h45</u> : corses de lenga
	<u>11h15-12h15</u> : talhièr cant	<u>11h15-12h15</u> : talhièr cant	<u>11h15-12h15</u> : talhièr cant	<u>12h00-12h30</u> : convèrsa interdialectala
	<u>12h15-12h45</u> : convèrsa interdialectala	<u>12h15-12h45</u> : convèrsa interdialectala	<u>12h15-12h45</u> : convèrsa interdialectala	<u>12h30-14h00</u> : repais
	<u>12h45-14h30</u> : repais	<u>12h45-14h30</u> : repais	<u>12h45-14h30</u> : repais	<u>14h00-15h00</u> : talhièr cant
	<u>14h30-16h30</u> : conferéncia d'Andrieu Pagés : <i>Los mestiers desapareguts</i>	<u>14h30-16h30</u> : visita del vièlh Foish e del castèl contada pel Bernat Contaire o vesprada (liura) a la nèu	<u>14h30-16h30</u> : talhièr cosina : preparacion de l'Asinat	<u>15h00-16h00</u> : evaluacion de l'EOI
	<u>17h00-18h00</u> : corses de lenga	<u>17h00-18h00</u> : corses de lenga	<u>17h00-18h00</u> : corses de lenga	<u>16h30</u> : <i>adieu-siatz monde occitan</i>
<u>16h00-17h45</u> : installacion	<u>18h00-19h00</u> : talhièr dança	<u>18h00-19h00</u> : talhièr dança	<u>18h00-19h00</u> : talhièr dança	
<u>18h00-19h30</u> : inauguracion e aperitiu musical	<u>19h00-19h30</u> : convèrsa interdialectala	<u>19h00-19h30</u> : convèrsa interdialectala	<u>19h00-19h30</u> : convèrsa interdialectala	
<u>19h30-20h45</u> : repais	<u>19h30-20h45</u> : repais	<u>19h30-20h45</u> : repais	<u>19h30-20h45</u> : repais	
<u>21h00</u> : serada de presentacion	<u>21h00</u> : balèti amb <i>Trad & Scratch</i>	<u>21h00</u> : contes amb <i>Lo Bernat contaire</i> e balèti amb <i>Trad & Scratch</i>	<u>21h00</u> : <i>Canta-plora</i> poemas amb T. Duverger e M. Esquieu-balèti amb <i>Trad & Scratch</i>	

Lo 13 de febrèr, Bernhola (09), lectura poetica bilingüea la bibliotèca, organizat per l'IEO d'Arièja. Contact: 05.61.69.60.96

Lo divendres 13 de febrèr, Marquave rescontre dansaires musicaires, organizada pel Cercle Occitan de Carbona. Contactes : 05.61.87.00.88 o 05.61.87.08.27.

22 de heurèr , sala deus Cordelèrs, Aush. Lo grop de l'IEO32, « Tres en Gasalha » que vos convida aus sons bals mesadèrs. Lo grop que s'apitèc dambe Marysa Brumas, Vriulon, sansonha, canta, Danièla Bertin, guitarra, canta, Sebastian Cogan, accordéon diatonic. Intradas 5€
Contact : Georges NOSELLA, 5 rue Lamartine 32000 Auch, Tel : 05-62-

61-88-08/Mail : naveras.d-aci@wanadoo.fr

24 de heurèr, 20h30 Pavia, Lo grop de l'IEO32, « Tres en Gasalha » que vos convida aus sons bals mesadèrs. Lo grop que s'apitèc dambe Marysa Brumas, Vriulon, sansonha, canta, Danièla Bertin, guitarra, canta, Sebastian Cogan, accordéon diatonic. Intradas 5€
contact : Georges NOSELLA, 5 rue Lamartine 32000 Auch, Tel : 05-62-61-88-08/Mail : naveras.d-aci@wanadoo.fr

Lo dissabte 28 de febrèr Castras, al Musèu Joan Jaurés, Conferéncia « Mariana, filha de Puèg Laurenç », tre 16h00. Robèrt Martí animarà aquesta conferéncia. En partenariat amb l'Université Pour Tous. Dintrada a gratis. Contacte e

entre-senhas:Centre Occitan del País Castrés, « Ostal Azalais », 6 rue du Consulat 05.63.72.40.61 ou azalais@wanadoo.fr

Lo 7 de març: Albi, al Grifol, 3 carrièras Perroty, estrema de la mòstra de pinturas de Ludivine Pradines. de contactar au: 05.63.46.21.43

Lo diluns 9 de març, Albi, Serada Al Cafè "l'òbra de Cantalansa", organizada pel grifol, de contactar au: 05.63.46.21.43

Lo dives 13 e lo dissabte 14 de març, l'Isle de Baish Carnaval Gascon.

Lo dissabte 7 de mars Carbona, Repais parladissa (lo miègjorn), organizat pel Cercle Occitan de Carbona.

Contactes : 05.61.87.00.88 o
05.61.87.08.27.

Lo divendres 13 de mars, Laver-
nose Rescontre dansaires musi-
caires organizada pel Cercle Occi-
tan de Carbona.

Contactes : 05.61.87.00.88 o
05.61.87.08.27.

Lo dimenge 15 març, lo cercle de
Caramauç organiza : « Passejada
urbana dins la vila de Tolosa » (*sor-
tida excepcionala*), contactar : Mai-
son de la Citoyenneté, 26, avenue
Bouloc Torcatis 81400 Carmaux.
Contact : 06-81-17-06-22 Mail :
sylvie.bibal-asso@carmaux.fr

Lo divendres 20 de març, Castras,
Serada teatre, amb la còla «
Comèdia Occitana Tolzana », lo
divendres 20 de març de 2009, tre
20h30, a l'Ostal dels Joves e de la
Cultura de Lameilhé de Castras
(104 carrièra Goya)

Contacte e entre-senhas: Centre
Occitan del País Castrés « Ostal
Azalais », 6 rue du Consulat
(Castres). 05.63.72.40.61 o
azalais@wanadoo.fr

Lo dissabte 21 març : Spectacle de
PADENA a caramauç, contactar :
Maison de la Citoyenneté, 26, ave-
nue Bouloc Torcatis 81400 Car-
maux. Contact: 06-81-17-06-22 o
sylvie.bibal-asso@carmaux.fr

Lo dissabte 21 de març, a Gorjada
(Castras) : Pre-festenal Camin de
Crabas, estagi de danças e balèti al
son de la craba.

Contacte e entre-senhas: Centre
Occitan del País Castrés, « Ostal
Azalais », 6 rue du Consulat
(Castres). 05.63.72.40.61 o
azalais@wanadoo.fr

**21 de març, en tot seguir la Prima
deus Contaires, Luçan.**

Lo grop de l'IEO32, « Tres en Ga-
salha » que vos convida aus sons
bals mesadèrs. Lo grop que s'apitèc
dambe Marysa Brumas, Vriulon,

sansonha, canta, Danièla Bertin,
guitara, canta, Sebastian Cogan,
accordéon diatonic. Intradras 5€

Contact : Georges NOSELLA, 5 rue
Lamartine 32000 Auch, Tel : 05-62-
61-88-08/Mail : [naveras.d-
aci@wanadoo.fr](mailto:naveras.d-aci@wanadoo.fr)

**Lo dives, un còp cada mes, l'IEO
31 que perpausarà ua serada
cantèra. Las datas ne son pas
enqüera determinadas. S'etz
interessat, que poderatz sonar
l'IEO 31 au : 05.61.11.24.87.**

Programa deu Carnaval Aush en Gasconha 2009

**Contact: Georges NOSELLA
(ieo32), 5 rue Lamartine
32000 Auch, Tel : 05-62-61-
88-08/Mail : [naveras.d-
aci@wanadoo.fr](mailto:naveras.d-aci@wanadoo.fr)**

Preparar Carnaval :

Sala deus Cordelèrs **los dishabte
maitin, a gratis, tots nivèus**

**Talhèrs de dança dambe Marysa
Brumas, rondèus en cadena e de
Samatan, Cordon bleu, Sauts, saut
deu lapin, Tira lo gigot, Cascaròt,
Dança deu veire, Branlo, Borrega-
da, Scottish, Polka, polka picada,
Pisha Canh, Mazurka**

Talhèrs de cant de Carnaval

lo 2 de heurèr, Candelèra **Presa de
las claus de la vila** a la Mairiadiluns
St Blasi Eleccion du Mau Govèrn
Au Taulèr deu Gat, dimarç lo 3 de
heurèr

Animacions : 7 au 20 de heurèr
Maison de Gascogne et Halle aux
Herbes

Viradas de confrairias, estagis de
teatre, d'espasa, lenga, dança,

cant, Talhèrs de caras de Carnaval,
vestits, ensturments de musica,
tustadissis

Dimenge lo 22 de heurèr Hèsta deu Rei

Trimfe de Carnaval, Proclamacion,
seguissi rejau, passa-carrèra, dan-
ça, canta, taure de huèc, bal de
Carnaval.

dambeLes bohas de « Boha qui
pòt », los musicaires deu collectiu
de l'ACPPG, lo grop de bal e de
cant « Tres en Gasalha »

11o30 Halle aux Herbes, bal, ama-
gats, contes

15o Plaça de la catedrala, procla-
macion, dança e cant ende tots !

16o Seguissi rejau, passa-carrèra,
estanc de dança

19o Halle aux Herbes, aperitiu,
contes, musica

20o Plaça de la catedrala, Taure de
huèc, dança, cant

21o Sala deus Cordelèrs Bal dambe
« Tres en Gasalha », empont dau-
bèrt aus musicians e cantaires

Dimarç gras: jutjament !

**Jutjament deu Carnaval : lo 24 de
heurèr**

Dimarç gràs lo 24 de heurèr, jutja-
ment, halha, aperitiu cantat en
Aush, Bal de las caucèras e deus
crespèths a Pavia dambe « Tres en
Gasalha »

18o30 Halle aux Herbes, partir deu
darrèr seguissi, jutjament de cap a
19o.

Març : dishabte maitin dinc'au 14
de març, **Preparar lo Carnaval deus**

mainatges : Talhèrs deu Mau Go-
vèrn, dança, canta,

Carnaval deus mainatges

Mieja Cuaresma Dijaus lo 19 de
març Carnaval 14o-16o :

Presa de las claus de la Vila a la
Mairie, Passa-carrèra, Passejada
deu Rei deus dròlles, Bal a la Mai-
son de Gascogne, Jutjament, vres-
palh, gran halha !

Los contacts de las Seccions e Cercles de l'IEO Miègjorn-Pirenèus

ARIEJA

- Seccion departamentala
- e Cercle Occitan de Pamias :
- Cercle local de Lavelanet :
- Cercle local de foix :

Local : Prosper Estieu Pamiers

Contact : Hélène Laffont

Adresse : 93 rue Major 09100 Pamiers

Tel : 05-61-69-60-96/Mail : ieo09@ieo-oc.org

President : Jean Jouret

Tel : 05-61-01-17-15 (dom)/mail : jean.jouret@wanadoo.fr

Cercle local de Foix : adresse local :

Foyer Léo Lagrange 16 rue Noël-Pierre Vidal 09000 Foix

Co-Presidenta : NEGRE Agnés

Tel : 05-61-65-55-55/Mail : didier-negre@wanadoo.fr

Co-Presidenta : ORAIN Claudine :

Tel : 05-61-01-13-10/ 06-84-99-85-16/ Mail : clo.or@laposte.net

AVEIRON

- Seccion despartamentala
- E Centre Culturel Occitan du Rouergue :
- Cercle local d'Espallion :

Local : Ostal del patrimoni

Contact : Brigitte Médard

Adresse : Place Foch 12000 Rodez

Tel : 05-65-68-18-75/ Mail : ieo12@ieo-oc.org

President : Gérard FERRAND :

Tel : 05-65-48-20-53/Mail : gerard.ferrand4@wanadoo.fr

NAUTA GARONA

- Seccion despartamentala
- Cercle local de Legavin
- Cercle local de Carbonne

Local : IEO 31

Contact : Corinne Michelot- Gaëlle Pujol

Adresse : 11 rue Malcousinat 31000 Toulouse

Tel : 05-61-11-24-87/ Mail : ieo31@ieo31.com

Ostau de la Sava al Toch : 96 avenue de Gascogne,31490 Leguvin

Tel : 05-6186-70-20

Mail : ostausavatoch@orange.fr

President : Antoine CARRERE :

Tel : 05-61-87-00-88

Mail : antoine.carrere@wanadoo.fr

GERS

- Seccion departamentala
- Cercle local de Lisle Jourdain, Carnaval Gascon

Contact : Georges NOSELLA

Adresse : 5 rue Lamartine 32000 Auch
Tel : 05-62-61-88-08/Mail : naveras.d-aci@wanadoo.fr

President Yves SENECAI

Tel : 05-62-07-14-94/ Mail : yves.senecal@orange.fr

OLT

President : Roger LASSAQUE

Tel : 05-65-24-62-82/Portable : 06-81-28-62-97/Mail : rlasaca@aceoc.org

NAUTAS-PIRENEUS

Local : Nosaus de Bigorre

Adresse : Mairie, place du Padouen 65350 Bouilh-Péreuilh
Tel : 05-62-93-04-65/Mail : ieo65@ieo-oc.org

TARN

- Seccion departamentala :
- Cercle local d'Albi : Centre Cultural Occitan d'Albigés :
- Centre Occitan del Pais Castres :
- Cercle local de Carmaux :

Local : IEO Tarn

Adresse : 3 rue de la Torque 81120 Réalmont
Tel : 05-63-79-06-67/Mail : ieo81@ieo-oc.org

Local : Lo Grifol

Contact : Nathalie Magne
Adresse : 3 rue Perrotty 81000 Albi
Tel : 05-63-46-21-43/Mail : logrifol@wanadoo.fr

Local : Azalais

Contact : Isabelle Costa
Adresse : 6 rue du Consulat 81100 Castres
Tel : 05-63-72-40-61/ Mail : azalais@wanadoo.fr

Presidenta : Marie-France RAVAILLE-BROUARDELLE

Tel : 05-63-76-21-10/ Portable : 06-81-17-06-22/
Mail : danielbrouardelle@wanadoo.fr

TARN E GARONA

Local : Antonin Perbosc

Contact : Martine Serres
Adresse : 13 rue de l'Ancien Collège 82000 Montauban
Tel : 05-63-03-48-70/ Mail : ieo82@ieo-oc.org

IEO NACIONAL

Local :

Contact : Cathy Lacroix, Adresse : 11 rue Malcousinat 31000 Toulouse
Tel : 05-34-44-97-11/ Mail : ieonacionau@hotmail.com

L'IEO MIEGJORN-PIRENÈUS

Local :

Contact : Sebastian Pugin, 11 rue Malcousinat 31000 Toulouse
Tel : 05.6123.95.86/ 06-82-23-44-55/ Mail : ieom-pireneus@ieo-oc.org